

ընդ իւր զմերգէ և զմասրով իւր երաշխաւորս էջմիածնի, և ինքն լեալ իւր երաշխաւոր երուսաղէմի՝ թեւակից իւր ունեւոյ և զայլ՝ եւ յատեան Եպարքոսին՝ ի նստիլ նորա ի վրանի՝ բողոքել զեղիազարէ, եղեալ ի մաի մահու եւս արժանի ցուցանել զնա. կոչեցաւ անդր և Եղիազար իւրովքն հանդերձ. նստեալ էր անդ եւ մեծ դատաւորն Գաղեսքեր՝ և այլ մեծամեծք: Մատեաւ Մարտիրոս և ասէ՝ 200 քսակս արծաթոյ էառ Եղիազարդ այդ յԱստուածատուր Պատրիարքէն երուսաղէմի և ծախեաց զամենայնս առ ի խափանելոյ գէրաման Տէրութեանդ, թող զայլ կահս վանաց զորս վատեաց՝ և զայսոսիկ քաջ գիտեմ ես, քանզի աշակերտ էի Աստուածատրոյ: Ասէ Եպարքոսն՝ ո՞րպիսի դրամ էր այն՝ զոր նա էառ. պատասխանի ետ Մարտիրոս. բովանդակն արծաթի դահեկան Ասլանլու: Ասէ Եպարքոսըն՝ այր դու, այդ չափ դրամ՝ յայդպիսի տիպ և ոչ յիմու՞մ գանձի գտանի: Հարցին և ցեղիազար՝ դու զի՞նչ ասես, նա ետ պատասխանի եւ ասէ. այո, բազում դրամք անցեալ են ընդ ձեռն իմ ընդ ժամանակս ժամանակս ի փոխանորդութեան երուսաղէմի, բայց չիք իմ ընդ վայր ծախեալ և ոչ դրամ մի՝ և ուստի՞ կարէ դա ցուցանել. և ինքն անդէն յառաջ բերեալ զվկայս՝ հաստատեաց զբան իւր: Խնդրեցան վկայք և ի կողմանէ Մարտիրոսի. եւ մի ոմն ի Տիրիկեաց և վկայեաց՝ բայց անորոշ: Բարկացեալ ընդ այն Եպարքոսին՝ ասէ ցՄարտիրոսեանսն՝ երբ չգիտէք ինչ զյանցանս առնդ՝ եւ ոչ կարէք ցուցանել, զի՞ ժողովեալ էք աստ:

Տեսեալ Մարտիրոսեանց՝ թէ տկարանան բանք իւրեանց՝ սկսան այլ և այլս խօսիլ. ոմանք ասէին թէ նա ի մանկութենէ յայլ յօրէնս էր դարձեալ, և այժմ փոխեալ է ի Հայութիւն. այլք թէ՛ շինեաց եկեղեցիս ի հինդ և ի վեց տեղիս, ի մէմլէ, յերուսաղէմ, ի Պրուսա, և ի Կոստանդինուպօլիս, և այլք եւս այլ ինչ: Հայեցեալ Եպարքոսին ի չփոթութիւն բանից նոցա՝ ի բաց վարեաց ըզնոսս յատենէ իւրմէ: Եւ իբրեւ ելանէր Մարտիրոս արտաքս ի վրանէ՝ դիմեցին սպասաւորք ատենին ի վերայ նորա, և հարկանէին զնա բռնցի և աքացի. նոյնպէս և ոմանք ի հարազատ ընկերաց նորա զայրացեալ թշնամանօք նա: